

## Javni poziv za podršku građanskim projektima i inicijativama

### FOND VOLIM SVOJ GRAD

Fondacija tuzlanske zajednice poziva građane, udruženja i institucije sa područja Tuzlanskog kantona da se uključe u razvoj svoje lokalne zajednice i da malim projektima za dobrobit svih, pokažu koliko vole mjesto u kojem žive!

Fond „VOLIM SVOJ GRAD“ je nova inicijativa Fondacije tuzlanske zajednice, u okviru Programa razvoja zajednice, koja se implementira na području cijelog Tuzlanskog kantona kako bi se podsticao građanski aktivizam i podržale inicijative i projekti koji će doprinijeti poboljšanju uslova življenja u našim lokalnim zajednicama.

Građani, udruženja i institucije sa područja Tuzlanskog kantona, koji imaju ideju kako da riješe ključne probleme u svojoj lokalnoj zajednici i koji žele da naprave pozitivne promjene u svom okruženju kroz građansku inicijativu, saradnju između javnog, poslovnog i neprofitnog sektora, mogu se javiti na ovaj poziv.

#### CILJEVI POZIVA

- Povećati učešće građana u razvoju zajednice na području svih gradova Tuzlanskog kantona;
- Unaprijediti uslove življenja u lokalnim zajednicama u TK;
- Ojačati civilni sektor i kapacitete lidera u civilnom sektoru u TK;
- Uspostaviti međusektorska partnerstva i promovisati važnu ulogu civilnog sektora i građanskih inicijativa u razvoju zajednice.

#### KO MOŽE APLICIRATI?

- nezavisne organizacije i udruženja sa područja Tuzlanskog kantona;
- nezavisne javne institucije sa područja Tuzlanskog kantona (biblioteke, obdaništa, škole, formalno registrovane mjesne zajednice, itd);
- neformalne grupe građana od najmanje 3 punoljetna člana sa područja Tuzlanskog kantona.

#### ROK ZA PRIJAVU

Poziv za prijem aplikacija otvoren je **od 03. novembra do 06. decembra 2020. godine.**

#### ŠTA PODRŽAVAMO?

- Inovativne projekte iz različitih oblasti života koji odgovaraju na potrebe lokalne zajednice i kojim se direktno unapređuju uslovi življenja u Tuzlanskom kantonu.
- Vrijednost podrške po jednom projektu može biti u rasponu od **500,00 KM do 3.000,00 KM;**
- Podržavamo projekte koji traju **od 1 mjesec do maksimalno 1 godinu.**
- Projekti treba da budu zasnovani na volonterskom angažmanu aplikanata i promociji međusektoralne saradnje;
- Projekti trebaju biti usmjereni na rješavanje konkretnog i prioritarnog problema u lokalnoj zajednici ili zadovoljenje određene potrebe u zajednici;  
**(više u Kriterijima Fonda „VOLIM SVOJ GRAD“).**

#### PRIORITETNE OBLASTI

U ovom javnom pozivu, shodno rezultatima istraživanja [Vitalni znaci 2019.](#), tražimo od aplikanata da predloženi projekti budu usklađeni sa prioritarnim potrebama lokalnih zajednica u Tuzlanskom kantonu, te izazovima na globalnom nivou definisanim [UN Globalnim ciljevima održivog razvoja](#).

Prednost će se dati inovativnim međusektoralnim partnerstvima za održive gradove i zajednice, te projektima koji će unaprijediti slijedeće oblasti življenja:

- **OČUVANJE PRIRODE I BRIGA O OKOLIŠU, ZDRAVLJU I KLIMI**
- **OSIGURANJE PRILIKA ZA CJELOŽIVOTNO UČENJE I NEFORMALNO OBRAZOVANJE**
- **SMANJENJE NEJEDNAKOSTI I BOLJI POLOŽAJ RANJIVIH I MARGINALIZIRANIH GRUPE**

U prilogu su Kriteriji Fonda „VOLIM SVOJ GRAD“ u kojima su detaljnije naznačene informacije o pozivu i širokom spektru ideja koje možemo podržati.

#### **KAKO APLICIRATI?**

Aplicirati možete isključivo putem [platforme za online apliciranje](#) koja se nalazi na desnoj margini u odjeljenju **APLICIRAJ ONLINE**.

Nakon što online aplikacija bude prihvaćena aplikant će dobiti potvrdu o prijemu na mail. Nakon uvida u projektnu aplikaciju od strane grant tima, aplikant će putem e-maila dobiti potvrdu prijema (pdf dokument ispunjene aplikacije), koji ste dužni u roku od 7 dana dostaviti, potpisan i ovjeren u dva štampana primjerka, na adresu Fondacije: Pozorišna 13, 75000-Tuzla (lično ili poštom).

**Ukoliko vam je potrebna podrška pri ispunjavanju online aplikacije možete se obratiti direktno u kancelariju Fondacije tuzlanske zajednice ili na broj telefona 035 362-830/831.**

**Prilikom apliciranja savjetujemo vam da se OBAVEZNO koristite Uputama za popunjavanje online aplikacije i Kriterijima Fonda „VOLIM SVOJ GRAD“.**

---

Ismet Sokoljanin  
Menadžer za razvoj programa